

mijn Heer die Grave van Hoerne als Heer  
 vanden Lande van Althenae daer van te  
 willen doen, tot behoef des voerscreven  
 Heeren van Petershem expedieren ende ver-  
 leenen behoerlycke brieven van investiture  
 ende verlye, des torconden hebben wy mee-  
 ster Gezijt Zogaert ende Jan Boemjans  
 soon, leenmannen voerscreve onse Sege-  
 len hier aen gehangen, ende tselve doer-  
 beede van Huÿch Peterfen, soe hij selfs-  
 eghen segel en heeft mede over hem be-  
 segelt, gelijcken over' ons selven, in absentie  
 vanden leenmannen des voerscreve Graue  
 van Hoerne ter bede vanden voornoemden  
 Adriaen Heijmansen en Grietgen Herman  
 Koenen Dochter sijnre Huÿsvrouw onse  
 segelen hier aen gehangen, op den aghteen-  
 den dagh in Octobri anno vijftien hondert  
 vieren dertich.

Zuijten leene w

fo. 146.

Anno veertien hondert en eenen  
 veertigh dincsdaghes na Sinte Mertijns  
 daghe ontfinck Godtschalck Oem Heer  
 van Wijngaerden die halve Kooren tien-  
 de, ende die halve smaleweyde, dat oost-  
 ambocht van Yffelmonde, ende is hem ge-  
 gonnen dÿt leen eenen van sijnen kÿnde-  
 ren te maeken wille dat hij wille tot

eenen rechten Erfleen te hebben.

ijnt den twaden.

fo. 146

Anno vier en vijftich op donderdaeghs  
post Elisabeth bij overgemen des voorschreue  
Gedtschalcken ontfinck Florijs oem  
sijn Soon dese voorschreue & hiende.

Op dese selve tijt heeft die selve Flo-  
rijs aen dese voorschreue & hiende gedu-  
warijt sijn Wittijvrouw joncfrouw Ber-  
thout vander Boechorst alle jaer op sinte  
marijns Dage daer ijnt te bueren tagh-  
tigh pondt hollants bij den denden  
staet after opt vijfste blad,

Job Gezijts Soon negen entwintigh  
mergen Landts gelegen in Rider ambocht  
ende geheijten sijn Schoenacker Ghier  
daer aen die een syde gelegen is meeus direk-  
sen Lant, ende aen die ander syde Clauwerts  
Lant vanden Poel, mit voorwaerden dat  
nae sinre doot beide sijn Soenen dat ge-  
eet hebben ende vermanen sullen et sunt  
littera

ijnt den denden

Zuijten leenden

fo. 146 fo.

ICK Gielis van malsen Stedhouder

van den Leenen des Stuijs ende Heerlicheijt  
 van Altenae, ende met mijn als mannen  
 van leen, by namen Meyster Antonis Gou-  
 vers Soen ende Cornelis van Rijswijck be-  
 kennen dat voor ons Stadhouders vanden  
 leenen, ende mannen voorschreue gecomen  
 sijn Henrick Spierinck ende Arjaen Arj-  
 aensen, ende hebben voor ons Stadhouders  
 ende mannen voorschreue getoent eenen  
 brief met onsen rooden uijt hangende segel  
 ende daer een confirmatie by inden sel-  
 ven brief doorstecken oeck met eenen  
 grooten uijt hangende zooden Segel, spree-  
 kende bejde de brieven van worde tot  
 worde als hier nae volcht, den vuden brief  
 eerst, Wij Jacob Greve tzo Hoern, Heere  
 tot Altenae, tot Cortersom ende tot Granden-  
 donck doen condit mit desen onsen brief  
 alsoe onse getrouwe Jacob Spierinck Dires  
 Soon ons opgedragen heeft twee entwintigh  
 mergen lands in onsen Lande van Altenae  
 gelegen inden Ban van Babilonienbroeck  
 die wij den selven Jacob wederom verlijdt  
 ende verleent hebben, om die van ons ende  
 onse nacomelingen Heeren tzo Altenae  
 hem ende sijnen nacomelingen the houden  
 tot twee onversierfelycke leenen nae  
 inhoudt onsen brieven die de selve Jacob  
 Spierinck van ons daer af heeft, ende  
 oeck om sonderlinge gunst ende liefden

die wij tot den selven Jacob Spierinck en,  
de Joffraü Ermgaert, Damijs Jans dogh,  
ter sijnder Huijsvrouwe dragende sijn hem  
wij met desen onsen brieve der selver Joffraü  
Ermgaert voor ons ende onsen nacomel-  
lingen, huer ende hueren nacomelingen,  
tzo rechten vrieheijt, tzo Erff ende tzo  
eijgen gegeven ende geven ende gonnen  
alsulcke twee Hoeren Landts met allen  
hueren vrieheden ende toe behoeren als die  
voorschreve juffraü Ermgaert van ons  
tot desen dage toe tzo te leen gehouden  
heeft, gehejten die Edelhoeven ende ge-  
legen sijn in mülkerck bütten onsen lan-  
de van altenae, sceldende der selver Juff-  
fraü Ermgaert ende hueren nacomelin-  
gen quijt kildot ende eedt ende manscap  
die sij ofte hueren nacomelingen dair aff  
nu oft hier naemaels ons of onse nacomel-  
lingen souden van desen gehouden sijwte  
doen, hier waren aen ende over onse ghen-  
trouwe mannen van leen met naemen  
Arjaen van Ryswijck ende philps van  
Buijtwijck ende meer anderen, in orconde  
der waerheijt hebben wij Jacob Greve  
voorschreve onsen segel aen desen brief  
doen hangen, int jaer ons Heeren duseut  
vier hondert ende tachtentigh, altera de  
assumptione marie Virginis, wij Jacob  
Grave tzo Hoern, Heer tzo altena, tzo

Corterzom ende tro Kranendonck. Doen  
 condt allen luyden dat wij ter oetmoediger  
 vervolge ende ernstige bede van meester  
 Aert Bueckeler geconfirmert ende gera-  
 tificert ende geapprobert hebben, confir-  
 meren, ratificeren ende approberen mits de-  
 sen onsen brieven, als sulcke brieven van  
 gifte, als by onsen lieven Heer ende vader  
 voortijts gedaen ende gegeven sijn geweest,  
 Joffrau Ermgaert Jacob Spierincs Huys-  
 frau, dordewelcke desen onsen brieve van  
 confirmatie dorstecken besegelt is, ende  
 beloeven den voorschreven meester Aert nae-  
 volgende der selver gift van onsen lieven  
 Heer ende vader van werden te houden voor  
 hem sijnen Erven ende nacomelingen oft  
 actie ende transpoert hier af van hem  
 hebbende nu of in toecomende tijden, des  
 torconden hebben wij onsen Segel hier be-  
 nedon aen doen hangen, gegeven int jaer  
 ons Heeren duysent, vijft hondert ende  
 achtien opten vierentwintighsten dagh  
 van Meert, ende alsoe ick Gerit van  
 Malsen Stadt houder ende met leenmannen  
 voorschreven desen brieve bevonden heb ak-  
 corderende, soe heb ick desen brief bese-  
 gelt met mijnen Segel, ende oeck op het  
 leenregister geschreven, overmits dat ment  
 altyt rechtveerdelyck bevonden sal, ghe-  
 daen ende gegeven int jaer ons Heeren

Düſent vijfſt hondert en drie en veertich  
den vijfſtienden dagh December

fo. 147. 280.

Jan Venedaü twintigh hoeven moers  
ende wilderniſſen metten ambocht daerop  
gelegen uijt Hs greven moer inden grooten  
Ham, ende is mede pacht goet, ende des  
ſijn brieven Erſſeen,

Guijten leenen gelegen

fo. 147.

Adriaen Venedaü die oosthoeve Landts  
vanden twee Hoeven Landts gelegen tot  
Müjlkereck ende gehejten ſijn die Eedel  
hoeve ten Erſſeen, uijt den alden

Daniel Venedaü die Weeſtersche Hoewe  
voerſchreve gehejten die Eedel hoeve, rüen  
rende Althinae ten Erſſeen, uijt den alden

Anno veertien hondert negen en vijfſtich  
ontſinck Jan van Wijck deſe voerſchreve  
twee Hoeven bij overgeven ende verthieniffe  
die Erſſgenamen van Adriaen Venedaü  
bij den derden

Anno drie en ſeſtich altera poſt con-  
ſervationis Paüli bij overghijſſen des-  
voerſchreve Jans van Wijck ontſinck Jan

die Kock die voerschreve twee Edelhoeven  
 ende heeft die rechtevoert weder overgedragt.  
 Joffrou Katrijns Bocx sijne Doghter Peter  
 Annoque, daer die selve Peter den eedt dede  
 bij den derden

Anno seventigh in profesto Johannis  
 Baptista heeft dese selve Joffrou Katerijne  
 Bocx met hueren voerschreven manne Pe-  
 ter Annoque bij consent des leenheeren be-  
 kent schuldigh te wesen Janne van Hans,  
 beke ende Johanne sijnen wijttigen wijve  
 eenen jaerlijcxen pacht van vierendertigh  
 Burgoense Schilden, dertien stuiver voer-  
 den schilt te betalen, nae inhouden ons  
 tractaets tusschen partijen voerschreve  
 gemaect in Schepenen brief van Dordrecht  
 ende dyt machmen afleggen met vijf hon-  
 dert der selver Schilden,  
 bij den derden

Anno negen en seventigh twaelf dagen  
 in Augusto heeft dese voerschreve Joffrou  
 Katherine die voerschreve twee Edelhoe-  
 ven overgegeven met hueren gesetten voecht  
 Joffrou Armgaert Jacob Spierinck Dircks  
 Soons Huysfrau, daer van die selve Jacob  
 hulde ende eyde gedaen heeft, nae den in-  
 houden vanden brieven, in tegenswoordicheijt  
 Jan van Outhuesden, Willem van Bruijgen  
 Reijers Soon, ende meester Aernt Buekel  
 bij den dordg.

fo. 140.

Anno twee en taghtigh elf dagen  
in Augusto heeft philips unnoque des  
voerschreve Peters ende Joffrauwe Kate-  
zine oudste Soone vertegen op dese voers.  
twee Edelhoeven tot behoef Jansen Erm-  
gaerden vürschreven vanden selven dat hem  
aenbestorven of emmermeer aenbestorven  
sal mogen naeden ynhouden vanden brie-  
ven,

Anno vijftien honderst ende twee twaelf  
dagen in Junio heeft ontfangen dese ein  
Edelhoeve Dirck Wouter melis Soons  
Soon, dese een Edelhoeve, bij overgiffen  
joffrauw Armgaert weduwe Jacob Spierinck  
vürschreve, ende heeft hier van hulde ende  
eedt gedaen meester Aernt Bueckelery gen-  
lovene wanneer die voerschreve Dirck tot  
sijnen jaeren gecomen sij hem den Eedt te  
laten doen, in presentie Aert Spierinck  
van Well, Adriaen van Rijswijck ende  
Reijner Willems Soon,

Godem anno eodem die in presentie  
der selver mannen heeft ontfangen bij over-  
giffe der voerschreve joffrauw Ermgaert jof-  
frauw machtelt Dochter meester Aert Buecke-  
lers die ander Edel hoeve, ende heeft oeck  
hier vanden Eedt gedaen meester Aert vür-  
schreve

Wijten leenen,

Geethacet Pijns Doghter vier mērgen  
 Landts gelegen inden Ambocht van Muij-  
 kerck ende belegen hebben met Erve Wou-  
 ter van Mallandt wijten broeck aen die  
 oostsyde, ende aen die Westsyde tlant dat  
 toe behoeren plach Heeren Aerns Erffge-  
 namen vander Dussen ten Erffleem, fo: 149.

Anno eenenveertich op Donredagh nae  
 Sint Martijns dage ontfinck aelbrecht  
 van naeltwijck eene vijscherije, gelegen  
 tuijschen den Sloet van Schaluijnen, ende  
 den Sloet natalis, ende heeft sijn huysvrou  
 getuchticht aen dat halve goet ende des  
 sijn brieven. wijt dent weeden

Anno eenenveertigh eenentwintigsten  
 Septembris ontfinck dese vijschrewe vijs-  
 cherije jonge aelbrecht van naeltwijck  
 bij overgeven sijns vaders boven genoemt, wel-  
 ke overgifte geschiet was bij leenmannen  
 der Graeffelicheydt, naeden inhalden vanden  
 brieven hoem daer van verleent; ende met  
 conditie dat hij alle jaer opden heyligen  
 Pincxdage schuldigh es den Heer van al-  
 thenae een pondt Hollands wijter voerfs.  
 vijscherien wijt den derten,

Anno veertien hondert seven ende  
 tnegentich den derden dagh in Octobri heeft  
 ontfangen jaric frau Adriaen van Naeldt  
 wijck dese voerschreve visscherie in alsülc  
 leen rechten als huer aldere die te ontfan  
 gen plegen, ende behoudeelijcken mijnon ge  
 nadigen Heer sijnen Thijns, ende heeft hier  
 van den behoerlijcken Eedt gedaen Roeloff  
 jansen van Venloen, in presentie Govert  
 van Nijssen ende Adriaen Claejssen als  
 leen liyden,  
 nu Splinter van Arghen,

## Gruyten leenden

Anno veertien hondert een en veertigh,  
 donredaechs nae Sinte martijns daghe  
 ontfinc Dirck van Hoeckelem alle san  
 den, segen worpen ende aenval die nu sijn  
 of naemaels comen sullen inder merweden  
 streckende vanden Lande van Althenae  
 tot Sliedrechts kercke toe, ende des sijn  
 brieve, ende the verheergewaden soe dijck  
 dat gebuert met eenen hollantschen gulden  
 iijt den tweeden

Anno veertien hondert acht en veertigh  
 op den Sondagh reminiscere bij overgeden  
 des voerss. Dircks van Hoeckelem heeft dat  
 voerschreve leen ontfangen aelbrecht Broeder

the Naelwijck in tegenwoordicheijt Heeren  
 Gysbert van Vianen Ridder, Gysbert Heeren  
 tot Hemert ende Zeger van Wijtwijck  
 nu Splinter van Veghen afur,

## Suijten leenen,

fo. 150

Inno veertien honderst seven en veertigh  
 op onser liever vrouwen avondt visitatio ont,  
 sine. K. Souffrou meyne Jans wijtachtige  
 wijff vander Boechorst, die Coerenthiende  
 ende smaeltiende vanden Weest am bocht van  
 Yselmonde, nae doode hueres vaders Jacob  
 Bueckell vanden Weens streckende Weest  
 waert vanden Oost am bocht van Yselmonde  
 ende Suijtwuert tot den Ampt van Caten  
 drecht toe ende noort waert vanden Am  
 bocht van Catendrecht tot in die Merwede  
 daer van den Eedt dede huer wettachtighe  
 man Jan vander Boechorst vurschreue,  
 alsoe dat nae huerre bijder doot dijt voers  
 leen sal erven op Peter ende Jan vanden  
 Boechorst huerre bijder wijttige kinderen.

Op die vurschreue tijt heeft ontfan  
 gen Peter vander Boechorst der voerschre  
 ve Souffrou meynen soon die ander helft  
 vander voerschreue tienden, waer bij dese  
 voerschreue t hienden gespleten en gedeijlt

sijn in twee leenen, ende heeft Peterburch  
Schrevers op die selve tijt in dijt leen ge  
duwardt sijne Sluysfrau Jouffrou mar  
griete Gerijts Doghter van Sperwoude,

Anno veertien hondert vier en sestig<sup>h</sup>  
vijftienden ~~de~~<sup>den</sup> tembris ontfinck Jan van  
der Boechorst jans Soon nae die Doot van  
sijnre voerschreve moeder die rechte een  
helst vander voerschreve thierende, ende heeft  
op die selve tijt daer in geduwardt sijn  
Sluysvrou Jouffrou Yden Willem Berthoens  
Doghter,

Anno veertien hondert drie en seventigh  
twee dagen in December heeft opgedragen  
Jan van der Boechorst die rechte ein  
helst van dese voerschreve thierende ende  
Jmaeltiende streckende als voerschreve  
in presentie Jan van Schijnvelt ende Wil  
lem Reijersen in handen mijns genadichs  
Heeren, ende heeft mijn genadige Heer  
die wederomme verlydt Doedijns janssen  
vander Sluys et sunt littera,

Op den vierden dagh in Julio anno  
tachtigh, heeft Doedijn Jansen vander  
Sluys sijne Sluysfrau Ghertruijt Jacobs

Dochter geduwardt aen dese voerschreue  
thiende, die hij inder voertijt gecoft heeft  
tegen den wurschreven Jan vander Boechorst  
bij den dirden

fo: 150

Anno veertien honderst vijff en tnegentigh  
op den negenden dagh in September in pre-  
sentie Goveert van Rijspen ende Seger van  
Weijborch als leenmannen, soe heeft ont-  
fangen Jan Doedijns Soon vander Sluijs  
die helst van cenre Corenthiende, gelijk  
die hier voor bepaelt staet, ende dat nae  
doode Doedijn Janssen ende sijn brieven nae  
uijt wysinge sijne brieven,

Anno vijftien honderst en thien op  
Sinte Jans avont Baptistæ in Junio-  
heeft ontfangen Willem Jansen vander  
Sluijs dese voerschreue thiende bepaelt  
als wurschreue is, in presentie Aert van  
Weijborgh, ende Roeloff Huijgen Soon, ende  
alsoe dese Willem Jans Soon noch onder  
sijnen jaeren is, soe is hem tyt en dagh  
gegeven dat hij sal comen met ijdelre hant  
tot sijnen mondigen dagen, ende doen mijn-  
nen genadigen Heeren cenon Eedt als  
nae leenrecht behoert, ende des sijn brieven

Ruyten leenen,

# Buitten leenen,

fo: 150 & 10.

Annno vijftien honderst en aghrien  
den vijftienden dagh in Februario is gecon-  
men meester Huyge van Eynde als man  
ende gerechte Kerckvoecht van Elijabeth  
Jans Doghter vander Sluys, ende heeft ont-  
fangen die helft van eenre corenthiende  
gelijck die hier voer bepaelt staet, in  
presentie meester Adriaen van Doelenbeeck  
ende Roeloff Huygen Soon als leenmannen

Annno vijftien honderst en veertien  
den vierentwintighsten dagh Januarius is  
gecomen Peter vander Boechorst Jans soon  
nae doot sijns Vaders, in presentie mannen  
van leene, Willem van Riebeeck, ende  
Roeloff Huygen Soon, ende heeft ver-  
socht die rechte helft van eenre Koeren-  
thiende ende smaeltienden als boven  
bepaelt staet,

Annno vijftien honderst en een Ende  
veertigh den vijftienden dagh van Sep-  
tember soe es gecomen meester Jacob-  
Huygens Soon van Eynde naer doot sijns  
moeders Elijabeth Jans Doghter van  
der Sluys ende heeft ontfangen die helft

van cenre Coerthiende, gelijk die hier  
voer bepaelt staet, ende dat in presentie  
mannen van leen Ghillis Schellaert ende  
Lijonis van Weijborch.

fo: 150. No.

Anno vijftien honderst een ende vijftich,  
den vijftien dagh van December soe is ge-  
comen Cornelis vander Boechorst Peters  
soon nae doode sijns vaders Peter vander  
Boechorst, ende heeft ontfangen die  
rechte helft van cenre Koerthiende ende  
smaeltiende, gelijk die hier voor bepaelt  
staet, ende dat in presentie mannen  
van leen Johan Schellaert ende meester  
Anthonis Govertsen.

Opten lesten Merccij anno vijftien  
honderst vijftien sestig, heeft Bruyninck  
van wijngaerden ontfangen bij opdraghte  
van Cornelis vander Boechorst de helft  
vander grover smaeltienden, voorschreve  
actum voor Frans Kael ende Jacob van  
Rijswijk als leenmannen,

Buizen leenen,

fo: 151.

Reijnout van Brakel eene

Vijffcherie met hoeren toe behoeren gelegen  
voor Barendrecht aen die noortsijde ten  
halven diepen streckende vier Caernijffe  
Althenae Bessleen. uijt den alden

Jo: 151.

Annno veertien hondert een en veertigh,  
Adriaen van Brakel Reynouts Soon ont-  
fangen alsulcke Vijffcherie ende Segen-  
worp gelegen voor Barendrecht inder wa-  
ten aen die noortsijde then halven diepen  
toe, ende streckende in die lengde een  
stuck vier veraven wiele ende weder  
afgaende tot den Vijt slaghe toe, ende des  
sijn brieven, uijt den tweeden

Annno seven en sestigh heeft Willem  
van Brakel nae doot sijns Vaders Adriaens  
voerschreve dijt leen ontfangen,

Annno negen en seventigh heeft Willem  
van Brakel ontfangen allen sijn leenen  
die hij van die Heerlicheijdt ende Hofstadt  
van Althenae schuldigh is op the halden

Annno drie en tachtigh seven dagen  
in merte heeft Willem van Brakel  
sijne Huysvrouwe Joncvrou Loeten van

Geverren aen dese voerschreve visscherije  
geduwarijt;

fo: 151.

Op die selve tijt heeft hij belast voer-  
een schadeloos te houden sijne voerschreve  
visscherie tot behoef Heeren Dircks jans  
soon Paestoer tot almkerck, Joest van  
Weijborch ende Joffraü Geertruijt van Roije  
kosten nae inhoudt der brieven

Dit heeft nu mijn Heer van Petersom aeter-  
versocht.

Peter Willemssen van Solwijck elff  
mergen Landts in Rier ambocht gelegen  
aen mewes memmesoens Landt, aen die  
Wcestzijde, et sunt littera  
uijt den tweeden,

### Buijten leenen,

fo: 152.

Ick Gielis Schelacrt als Stedehouder,  
vanden leenen des Huys ende Heerlicheijdt  
van Althenae, in den naem ende van wegen  
mijns genadighs Heeren, Heeren Jacob  
Grave tro Hoerne als Heer tro altena  
doe condit dat ick in presentie van man-  
nen van leen hier nae genoemt gecomen  
is, Seger die Wilde als voecht van, die

onmündige kinderen van meester Andries  
van Arghen ende inden naem van eenen  
Soen genoemt Splijnter van Arghem, ende  
heb den selven Segher tot behoef Splijn-  
ter van Arghem verlijt ende verleent  
verlijt ende verleent eene visscherie, Sta-  
len ende Zegenworp gelegen voor Baren,  
Drecht inder walen ten halven diepen toe  
ende streckende in die lenghde een stück  
boven vrouw Aren wijel, ende wederomme  
afgaende tot voer Kernefse totten Wijt-  
slach toe, alsoe varde als hij van rechts  
wegen behoert te gaen, alsoe groot ende  
cleijn als die voornoemde Splinter van Ar-  
ghen dat aen gecomen ende aen bestorven  
is bij doode meester Andries van Arghen  
sijnen vader saliger, te houden Seger die wijl-  
de tot behoef Splijnter van Arghen ende  
sijne nacomelingen vanden Heeren ende  
Vrouwen van Althenae ende hueren na-  
comelingen tot eenen onversterffelijcken  
Erffleer, in alder manieren als die voers-  
meester Andries saliger ende sijn voer-  
saten dat tot desen daghe toe vanden Hee-  
ren ende Vrouwen van Althenae te leen  
gehouden hebben, behouden altyt mijnen  
genadigen Heeren, als Heer tot Althenae  
sijns goets rechts, ende eenen iegelijcken  
t sijn, hier van heeft ons huld vnd eedt

gedaen Seger die Wylde als Voecht ende inden  
naem van Splynter van Arghen ende tot synder  
behoef, alsoe dat van rechts behoert, hier wa-  
ren bij, aen ende over als mannen van leene  
der Heerlicheijdt van Athenae, Aert van Wey-  
borch, Willem van Riebeeck ende Roeloff Huy-  
gen Soon, actum den tienden dagh van meije  
anno vijftien hondert ende vijffentwintich.

Nu bij opdracht ende accordt overgestelt tot be-  
hoef van die Heer van Peterson den dertienden  
novembris anno vijftien hondert vijff enstich  
ende staet op Register int Lange fo. 96.

fo. 152.

Jck Gielis Schelacert als Stedehouder  
vanden leenen des Huys ende Heerlicheijdt  
van Athenae doe condit dat voer mij ende  
voer mannen van leen hier nae genoemt ge-  
comen is, Seger die Wylde als Voecht van  
die onmündige kinderen van meester Andries  
van Arghen, ende inden naem van eenen  
Soon genoemt Splynter van Arghen, ende heb-  
be den selven Seger tot behoef Splynter van  
Arghen verlijt ende verleent, verlye ende  
verleene eene vijffcherie gelegen indie merwede  
streckende van Schaluenre sloet tot die  
sloet van matalz toe, alsoe groot ende al-  
soe cleyn, als die den voornomden Splynter  
van Arghen aen gecomen ende aen bestorven  
is bij doode meester Andries van Arghen sali-  
ger synen vader, te houden Seger die Wylde